


# Bibel fa Kjinja brinjt junt



## Daniel un de Heel met Leiws



Jeschräwen von: Edward Hughes  
Jemolt von: Jonathan Hay  
Toom Paus jestalt von: Mary-Anne S.  
Äwasat von: Ed Zacharias  
Hääjestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.

Darius wia de niea Kjennich en Babel. Hee wia een  
weisa Maun. Hee stald 120 von siene baste Mana  
äwa de Prowinsen en sien Rikj. Dan stald hee dree  
Mana aun äwa  
de 120. Eent  
von de dree  
wia Daniel.




De Kjennich Darius hilt vël von Daniel. Veleicht wull hee am äwa daut gaunse Launt stalen.



3

De aundre Leidasch wieren aufjenstich daut Daniel soo goot aunjeseenen wie. See wullen am met waut beschuldjen verem Kjennich.



4

Eendoont woo see daut proowden, dee aundre Leidasch fungen kjeenen Fäla aun Daniel. Daniel wie sea tru to däm Kjennich. Hee vestunt siene Oabeit sea goot, un paust emma opp, daut hee daut baste deed, waut hee kunn.




5

De aufjenstje Leidasch kunnen sikj blooss eenen Wajch denkjen toom Daniel faust-saten. See wisten Daniel bäd jieda Dach to dän Gott, dän hee en Israel haud kjanen jeliheet.



6

Nu plonden Daniel siene Fiend, daut de Kjennich sull een nieet Jesaz enfieren, daut jieda-eena sull blooss Kjennich Darius aunbäden. Wäa daut nich deed, sull en eene Heel met Leiwes jeschmäten woaren.




7

Kjennich Darius unjaschreef daut niee Jesaz.




8

Daniel wia daut Jesaz eendoont. Hee deed wieda waut hee emma jedonen haud. Dree mol dän Dach, Kjneed hee bie sien opnet Fensta, un bäd to Gott.



9



De aufjenstje Leidasch jinjen fuaz däm Kjennich daut sajen. Nu must de Kjennich Daniel faust-nämen. See musten daut Jesaz utfieren. De Kjennich wull noch daut Jesaz endren, oba kunn daut nich.

10

Nu must Daniel en de Heel jeschmäten, wua de hungaje Leiws jehoolen worden. De Kjennich Darius säd noch to Daniel, "Mucht dien Gott dän du bestendich deenst, die ut dit raden."



11

Dee Nacht kunn de Kjennich goanich schlopen. Tiedich dän nääkjsten Dach, spood hee sikj no de Heel met de Leiws.



12

Kjennich Darius roopt, "Daniel, dee du dän läwendjen Gott deenst, haft dien Gott die kunt von de Leiws raden?" Wudd doa eene Auntwuat sennen von enne Heel? Jo! Daniel auntwua am.




13

Daniel roopt trigj, "O Kjennich, Gott schekjt sienen Enjel un dee hilt de Leiws äare Fräten too. Mie es nuscht jeworden, un ekj hab jääjen die nuscht orrajchtet jedonen."



14

De Kjennich freid sikj sea! Hee bestald fuaz daut see Daniel sullen ut dee Heel ruthalpen.




15

De Kjennich wist Gott haud Daniel jerat, un daut Daniel siene Fiend uk Gott siene Fiend wieren. Dan leet hee dee Mana, dee am hauden loten daut beese Jesaz schriewen, en de Heel schmieten. De Leiws freeten dee opp.



16

De Kjennich Darius wull de gaunse Welt weeten loten, daut de Gott em Himmel haud sienen truen Deena, Daniel, jerat. De Kjennich schreef eenen Breef, daut aule sullen dän läwendjen Gott deenen. Un Daniel wort wada huach aunjestalt aus een Leida äwa andre.



17

### Daniel un de Heel met Leiws

Eene Jeschicht von en daut Wuat Gottes, de Bibel

finjt eena en

Daniel 6

"Wan dien Wuat openboat woat, jeft daut Licht." Psalm 119:130

18

Daut Enj

Dise Biblische Jeschicht sajcht ons von onsen wundascheenen Gott, see ons jemoakt haft un ons well Kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du wascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20

